

Statens barnehus

Diedūt rávisolbmuide



Heivehuvvon gažadeamit mánáidviesus

Jus váruhuvvo ahte muhtun mánna, dehe muhtun earenoamáš rašes rávisolmmoš, lea vásihan dehe oaidnán seksuála veagalváldima, illasteami dehe eará ránggáštahtti daguid, de čađaha politiija heivehuvvon gažadeami. Dás oaivvilduvvo earenoamáš rašes rávisolmmožin dakkár olbmot geain leat psyhkalaš doaibmanváttut dehe eará funkšuvdnaváttut geain lea seamma dárbu oažžut gažadeami mii lea heivehuvvon sidjiide.

Heivehuvvon gažadeamit čađahuvvojit Statens barnehus, mii lea dakkár báiki gos mánát ja rašes rávisolbmot sáhttet muitalit ášši birra oadjebas birrasis mii lea heivehuvvon juohkehažžii su dárbbuid ektui.



Láhkavuodđu

Ráנגgáštusproseassalága § 239 mearrida mainnaláigiin gažadeapmi galgá čadahuvvot.

Vuodđun dasa, ahte boahit heivehuvvon gažadeapmái, lea ahte politiija lea ožžon váidaga áššis. Oassi dutkanbarggus lea ahte politiija háliida gažadit máná dehe dan earenoamáš rašes rávisolbmo, mii soaitá vásihan dehe oaidnán duodalaš dáhpáhusaid.

Vihtaniin, geat čilgejit ášši Statens barnehus, lea seamma čilgengeatnegasvuohta politiijaide go sis lea diggerievtti ovddas.

Gažademiid jođiha

politiijaadvokáhtta, gean ovddasvástádus lea čuovvut njuolggadusaid.

Ráנגgáštusproseassalága § 239 b mielde galgá politiija čadahit vuosttaš heivehuvvon gažadeami mii ii dieđihuvvo sutnje gii lea várohuvvon áššis. Áššiin main politiijat várohit ahte nubbi dehe goappašat váhnemat leaba bargan ráנגgáštahtti daguid, de gažaduvvo máná dieđihaga váhnemiidda.



Váldeguoddi ja advokáhtta

Go ášši lea jođus, de nammaduvvo mánnái dehe dan earenoamáš rašes rávisolbmui gaskaboddosaš váldeguoddi dehe veahk-keadvokáhta gii goziha sin rivttiid. Daid goluid gokčá almmolaš eiseváldi.



Heivehuvvon gažadeapmi

Gozihan dihte vai mánná dehe dat earenoamáš rašes rávisolmmoš oažžu buoremus fuola, de čađahuvvo gažadeapmi Statens barnehus. Gažadeapmi heivehuvvo ovttaskas olbmui ja su dárbbuid ektui. Statens barnehus barget politiiijat ja earát geain lea earenoamáš máhttu juste dákkár áššiin. Politiijain ii leat uniforbma badjelis, ja Statens barnehus ii leat oaidnit dego politiijastašuvdna. Gaskkohagaid lea boddu ja guossohuvvo biebmui. Sáhtát bivdit dulkka jus lea dárbu.



Video/filbmen

Heivehuvvon gažadeapmi čađahuvvo lanjas gos lea mikrofuovdna ja filbmenkámara. Jietna ja govat/filbma ságastallamis sáddejuvvo muhtun eará latnjii gos leat politiiija, advokáhtat ja Statens barnehus eará bargit. Gažadeami jođiha politiiijajurista. Mánáidsuodjalus lea maddái dávjá mielde ja sáhtta čuovvut ášši.

Vai mánná dehe dat earenoamáš rašes rávisolmmoš ii galga dárbbasit boahit diggái, de filbmejuvvo gažadeapmi, maid de sáhttet čájehit jus ášši gártá diggái.



Riektemedisiinnalaš iskatat doaktára ja bártedoaktára luhtte

Oassi politiija dutkamis lea muhtomin iskkahit máná dehe dan earenoamáš rašes rávisolbmo doaktára dehe bártedoaktára luhtte. Dat čađahuvvo Statens barnehus.

Gii mieđušta Statens barnehus?



Politiiija geahččá bearrái ahte muhtun oadjebas rávisolmmoš dehe váldoguoddi mieđušta su, gii galgá gažaduvvot, Statens barnehus. Dat lea dávjá muhtun fuollaolmmoš dehe muhtun eará gean son dovdá ovdalaččas. Son gii mieđušta oažžu dieđuid man birra ášši lea, muhto son ii oaččo diehtit čilgehusa ovttaskasáššiid dehe sisdoalu maid máná dehe dat earenoamáš rašes rávisolmmoš lea muitalan.

Mánáidsuodjalus



Go politiija dutká áššiid gos váhnemat lea áššeoasálaččat, de addojuvvo diehtu mánáidsuodjalussii. Mánáidsuodjalus lea dávjá mielde Statens barnehus go heivehuvvon gažadeamit čađahuvvojit. Sii eai álohii deaivva máná, muhto čuvvot gažadeami mielde muhtun eará sierra lanjas. Mánáidsuodjalus váldá maŋŋil oktavuoda bearrašiin.

Gažadeami maŋŋil

Gažadeamit sáhttet leat váibadahtti oallugiidda. Politiija ja Statens barnehus ávžžuha ahte mánás dehe dan earenoamáš rašes rávisolbmoss ii jerrojuvvo maid son lea muitalan gažadeami vuolde danne go dat sáhttá losidahttit su dili. Muhto jus dat olmmoš ieš muitališgoahtá, de sáhttá nubbi maid guldalit.

Gažaldagaide gažadanbeaivvi ja politiija barggu birra áššis ii sáhte mánáidsuodjalus dehe son gii mieđuštii dan olbmo mánáidvissui vástidit. Buot gažaldagaid sáhttá divvut njuolggga politiijaide.


Statens barnehus čuovvoleapmi

Maŋŋil gažadeami čađahuvvo oanehis kárten das makkár čuovvolandárbbut leat áššis. Statens barnehus sáhttet fállat iskamiid mat gusket psyhkalaš váttuide, doarjjaságastallamiidda dehe divššuide mat gullet seksuála veagalváldimiidda ja illastemiid vásáhusaide. Statens barnehus sáhttá sáddet du viidáseappot eará báikkálaš čuovvolandivššuide.

Fáladat lea nuvttá.

Gos riikkas gávnnat min?

Statens barnehus gávnnat oktanuppelogi norgga gávpogis. Min gávnnat **Bergenis, Bådådjos, Hamaris, Kristiansandas, Mossas, Osloves/Oslos, Sandefjordas, Stavangeris, Troandimis, Romssas ja Ålesundas. Muhtun Statens barnehus leat ossodagat eará gávpogiin.**





POLITIET



STATENS BARNEHUS
Et tverrfaglig kompetansehus